

# ANGLIA

**A**EGNVM Albionis pars maxima ab Anglis inter Iutas & Saxones circa Slesvicum in Cymbrica Chersoneso sitis, nomen accepit. Vnde autem dicti sint Angli, varia est doctorum opinio, eiusque rei cupidum Lectorem eo relegamus. Angliæ Rex supremam potestatem & merum Imperium habet, nec in Imperij clientela est, nec in uestitutam ab alio quo quis accipit, nec præter Deum, superiorem agnoscit. Eius subditi vel sunt Laici vel Ecclesiastici: Item sunt vel nobiles vel plebei. Nobiles sunt vel maiores: ut Duces, Comites & Barones: vel minores ut Equites aurati, Armigeri & qui vulgo generosi & Gentlemen dicuntur. Hi omnes aut Hæreditario iure his titulis gaudent aut ijsdem virtutis ergo à Rege exornantur. Dicis autem nomen soli Regis filio natu maximo hoc tempore conuenit: quamuis olim plures eo titulo insigniti fuerint. Plebei, ciues sunt, qui in sua quilibet vrbe publicis funguntur muneribus & in Parliamentariis Angliæ comitijs locū habent: vel ingenui, quos Legales homines lex vocat & ex agris quos optimo iure tenent, quadraginta ad minimum solidos quotannis colligunt: vel opifices, qui mercede operam locant. Diuiditur autem tota Anglia in Comitatus quos vel conuentus vel pagos propriè & latine voces. Angli vero peculiari vocabulo Shyres appellant à Scyre Saxonica dictione, quæ partiri & diuidere significat. Comitatus vero in Centurias (quæ in nonnullis partibus VVapentaches à tactu armorum nominantur) & hæc in decurias diuiduntur. In his Comitatibus difficilioribus temporibus, præfectus Regius, quem Lieutenant vocant, ne quid detrimenti respublica capiat, constituitur. Singulis vero annis nobilis aliquis ex incolis præficitur, quem vicecomitem, quasi vicarium Comitis & Anglica lingua Shyriffe, id est, Comitatus præpositum vocant: qui etiam Comitatus vel Prouinciae Quæstor recte dici potest. Eius enim est publicas pecunias prouinciae suæ conquirere, mulctas irrogatas vel pignoribus ablatis colligere, & ærario inferre: Iudicibus præsto adesse, & eorum mandata exequi: Duodecim viros cogere, qui in causis de facto cognoscunt & ad iudices referunt (Iudices enim apud Anglos iuris solum & non facti sunt iudices) condemnatos ad supplicium ducere & in minoribus litibus cognoscere. In maioribus autem jus dicunt iustitiarij, quos olim itinerantes, nunc Iustitiarios ad Assisas vocant, qui quotannis hos Comitatus bis obeunt, ut de causis cognoscant & de incarceratis sententiam ferant. Hi autem ab Henrico II. instituti vel potius restituti iurant se cuilibet ius suum conseruaturos illæsum.

## Nomina Comitatuum hæc sunt.

Cantium	21:30.51:15.	Berceria	19:30.51:38	Eboracum, York	19:24.	Caernaruan	15:22.54:0.
Southsexia	20:30.50:50	Oxonia	19:17.52:0	54 43		Merionidh	116:0.53:28
Surria	20:20.51:16.	Glocestria	18:8.52:13	Dunelmēf. epi.	18:59.55:45	Anglesey	15:20.54:10
Hartfordia	20:37.51:59	Monumetha	17:32.52:15	Northūbria	18:30.56:20	Radnor	17:4.52:50
Essexia	21:24.51:50	Herefordia	17:34.52:32	Cūberlandia	16:50.55:50	Brecknock	16:42.52:25
		VVigornia	18:10.52:38	VWestmerlandia	17:20.	Glamorgan	16:20.52:0
Southamptonia	19:13.50:56	Salopia	17:25.53:20	55:30			
VViltonia	18:29.51:15	Staffordia	18:10.53:24	Lancastria	17:16.55:1	Caermarden	15:29.52:17
Dorcestria	17:49.50:48			Middelsexia	20:30.51:40	Denbrock	14:47.52:8
Somersetus	17:24.51:20	Northamptonia	19:42.	Cestria Comitatus Palatinus	17:8.53:55	Cardigan	15:5.52:36
Deuonia	16:10.50:54.	52:32		Denbigh	16:30.53:57		
Cornubia	14:50.50:20	VVarvicum	18:56.52:39	Flint	16:49.54:0		
		Lecestria	19:28.52:2	Rutlandia	19:58.53:4.	Montgomery	17:0.53:13
Buckinghamia	19:38.52:15	Derbia	18:58.53:27				
Bedfordia	20:10.52:25	Nottinghamia	19:22.				
Huntigdonia	20:30.52:38	53:28					
Cantabrigia	20:49.52:30	Lincolnia	20:2.53:49				
Suffolcia	22:0.52:40.	Rutlandia	19:58.53:4.				
Norfolcia	21:50.53:10						

Quod ad Ecclesiasticam jurisdictionem attinet, duas nunc habet Anglia prouincias. Archiepiscopos item duos: Cantuariensem totius Angliæ Primate & Eboracensem, quibus subsunt Episcopi sequentes

## Sub Cantuariensi Archiepiscopo, qui & Roffensis est, subsunt Episcopi:

Londinensis	20:41.51:34	Couentrensis	19:4.52:49.	Petriburgensis	20:26.52:58
Cicestrensis	19:55.50:50	& Lichfeldensis	18:36.53:12	Bristolensis	17:37.51:45
VVintoniensis	19:12.51:10.	simul		Meneuensis ad fanum	
Salisburyensis	18:34.51:14.	Staffordiensis	18:10.53:24	S. Dauidis	14:20.52:25
Exoniensis, Excester	16:32-50:49	Derbiensis	18:58.53:27	Landauensis	16:47.51:52
Bathoniensis	17:50.51:38	Lincolniensis	20:2.53:49	Banchorensis	15:37.53:5
& VVellenensis simul	17:34.51:25	Salopiensis	17:25.53:20	Assaphensis siue Elvvensis	
Glocestrensis	18:8.52:13	Eliensis	21:0.52:45	16:28.54:3	
VVigorniensis	18:10.52:38	Nordovicensis	22:10.53:8		
Herefordensis	17:34.52:32	Oxfordiensis	19:18.52:0		

XII.

Sub Archi-



## Sub Archiepiscopo Eboracensi vero subsunt Episcopi:

Cestriensis 17:8. 53:55

Dunelmensis 18:59. 55:45

Cariolensis alias Carlysse 17:14. 56:1

Item Manniæ Episcopus in Bala Curi 14:44. 55:27.

Angliae tribunalia siue iuris fora, quas etiam curias dicimus, in triplici sunt differentia. Alia enim sunt Ecclesiastica: alia temporalia, & vnum mixtum, quod Parliamentum vocant, & ex tribus Angliae ordinibus constat & totius Angliae corpus repræsentat. Hoc à Principe pro arbitrio indicitur summamq; & sacrosanctam authoritatem habet in Legibus ferendis, confirmandis, antiquandis, interpretandis, & in omnibus, quæ ad Reipublicæ salutem spectant. Fora temporalia sunt duplia, iuris scilicet & æquitatis. Iuris fora sunt, Bancus Regius, Curia cameræ stellata, Scaccarium, Curia VVardorum & Liberationum, Admirali, Assisæ & alia quædam obscuriora quæ omittimus. Bancus Regius ita dictus, quod rex ipse in eo præsideat, Coronæ placita tractat. Camera stellata superiori seculo instituta fuit, vt ibi tractarentur Criminalia, vt per iuria, impostura, dolus malus, &c. Bancus communis, quia communia placita inter subditos ex iure anglico, quod commune vocant, in hoc disceptantur, nomen habet. Scaccarium à tabula quadrangula ad quā assidetur nomen traxit, in eo omnes causæ audiuntur, quæ ad fiscum pertinent. Curia VVardorum, à pullis, quorum causas tractat nomen habet. Nam cum aliquis moritur, qui possessiones à Rege tenet, tam hæredes quam eorū patrimonium redditusque in Regis potestate & tutela sunt, donec alterū & vicesimum ætatis annum compleuerit. Admirali curia res maritimas tractat. Assisæ, quas dicimus, in quolibet Comitatu bis anno habentur, in quibus duo Assisarum Iusticiarij ad hoc deputati cum Eirenarchis siue pacis Iusticiarijs comitati & de ciuilibus & de criminalibus cognoscunt. Loca autem & tempora in vnoquoq; comitatu edicto publico quindecim ante Assisas diebus denuntiantur. Fora æquitatis sunt Cancellaria, Curia requestarum, Concilia de limitibus VValliae & parte Boreali: Cancellaria à Cancellario, qui ibi præsidet nomen traxit. In hac ex æquo & bono iudicatur, & summum ius, quod & summa crux videri solet, temperatur. Requestarum curia, pauperum & Regiorum famulorum causas audit.

Ecclesiastica fora præcipua sunt Synodus quæ conuocatio Cleri dicitur & semper simul cum parlemento habetur. Et Synodi prouinciales in vnaquaque prouincia. Post hæc Archiepiscopi Cantuariensis curiæ numerantur, videlicet Curia de arcubus à loco sic dictus: cui iudex præst, Decanus de arcubus appellatus, qui ad omnium in Cantuariensi prouincia appellationes rescrit. Curia audientiæ, quæ omnes prouinciæ alium querelas, causas & appellationes recipit. Curia prærogatiæ, in qua Commissarius de hæreditatibus ab intestato seu testamento delatis, ius dicit. Curia facultatum, in qua præfectus constituitur, qui desideria cognoscit eorum, qui Ecclesiastici iuris, quandoq; rigidi atq; stricti relaxationem petunt, & registrarius, qui concessas dispensationes in scripta refert. Curia peculiarium, ad quasdam parochias ab Episcopali iurisdictione in nonnullis diocœsibus separatas & Archiepiscopo Cantuariensi peculiares spectat.

Academiæ in Anglia sunt tres. Oxoniensis 19: 18. 52:0. Cantabrigiensis 20:50. 52:31. & Londinensis 20:41. 51:34.

Medius Meridianus 18: 20. reliqui ad hunc inclinantur ratione 52: 55. parallelorum.

A N G L I A E  
I I . T A B V L A .

Quæ continet


Northumbriam, Cumberlandiam Comitatus,  
& Dunelmensem Episcopatum.

Meridiani distant iuxta rationem 56:15. Paralleli  
ad circulum maximum.



XIII.





A N G L I A E  
III. TABVLA.

Sequentes continens Comitatus,


VWestmorlandiam, Lancastriam, Cestriam, Caernaruan, Denbigh, Flint, Merionidh, Montgomery & Salopiam.

CVM INSVLIS:


Mania, quæ etiam Mona & à Ptolomæo Monoeda, quasi remotior Mona ad differentiam alterius ac sequentis Monæ sic dicta: Comiti Derbiensi patet, qui huius Manniæ Regulus appellatur.

Anglesey, quasi Angliæ insula, alias Mona, quæ ob fertilitatē Mater VVallix dicitur, olim antiqua Druidum sedes, tenui tantum freto Menai à Britannia continente diuisa. Proprium suum habet Comitem.

Meridiani distant ratione 54:30. Paralleli ad circulum maximum.







A N G L I A E  
I I I I . T A B V L A.

In qua hi sunt Comitatus,

Cornubia, Deuonia, Somersetus, Dorcestria, VViltonia, Glocestria, Monumetha, Glamorgan, Caërmarden, Penbrock, Cardigan, Radnor, Breknoke, Herefordia & VVigornia.

Meridiani positi sunt ex ratione Parallelis 51:30.  
ad circulum maximum.



XV.





A N G L I A E  
V. T A B V L A.

Hos continet Comitatus,

Eboracum, Lincolniam, Derbiam, Staffordiam,  
Nottinghamiam, Lecestriam, Rutlandiam, & Nor-  
folciam.

Meridiani distant iuxta rationem Parallelis 54:30°  
ad circulum maximum.



XVI.





# A N G L I A E

## V I . T A B V L A.


In qua hi Comitatus,

VVarrvicum, Northhamtonia, Huntingdonia,  
Cantabrigia, Suffolcia, Oxonium, Buckingha-  
mia, Bedfordia, Hartfordia, Essexia, Berceria,  
Middelsexia, Southhamtonia, Surria, Cant-  
um & Southsexia.

Insula quoque,

*VVight, Anglis, Guith Britannis, Vecta olim. Tam modico interfluente Euripo  
Solent olim dicto, à continente Britanniae anulsa est, ut cohæsse videatur,  
vnde etiam Britannicum illud nomen Guith, quod diuortium denotat, factum  
videtur. Bellicosæ gentis altrix: in illas Ecclesiasticam juris dictiōnem Epis-  
copus VVintoniensis, Ciuilem vero Comes Southhamtoniensis habet.*

Meridiani positi pro ratione Paralleli 51:45:  
ad circulum maximum.







# A N G L I A E

## V I L T A B V L A.

Has quatuor Insulas sub Anglorum Imperio comprehensas habet: quarum priores duæ videlicet Mona antiqua sedes Druidum, Britannis Mon, Tirmon, & Unis Dowil id est, insula opaca, Anglis Anglesey 15:20. 54:52. & Vecta, Britannis Guith, vulgo Wiget dicta 19:14. 50:40. ad littus Angliae, posteriores vero duæ Garnesay 17: 30. 49: 16. & Tarsay 18:10. 48:56. iuxta Gallie littus sitæ.

*Si quis plura de Britannicis Insulis scire desiderat, is legat Georgium Buchananum, Guilielmum Camdenum, Iohannem Leslæum, Richardum Staniburstum & Raphaelem Holinshedium, qui diligentissime has Insulas descripsierunt.*

